


和漢茶誌

下

487

和漢茶誌卷二

日東洛陽三谷良朴宗鎮著



急須

本國薄茶入之類也

於漢土亦入稀茶具也

薄茶國語也

以犀角象牙類造

之其蓋多有鈕茶集宋黃裳龍鳳茶寄照覺禪師

詩中註曰急須東南之茶器也詩見下

本國珍之者何治即帽子等是也

本自南漢器也

義故公之後往往模擬其形以造之以木或以角

為家家之具當世或以此器為藏茶入櫃俗曰珠
光引拙紹鷗之時多有之後又棗中次由之製及
雪吹藥器等類競出矣

黃裳詩有物吞食月輪盡鳳翥龍驤紫光隱雨前
已見纖雲從雪意猶在渾淪中忽帶天杳墮香篋
自有同幹欣相逢寄向仙廬引飛瀑一簇蠅聲急
須臾禪翁初起宴坐間接見陶公方解顏頤指長
鬚運金碾未白眉毛且須轉

又謝人惠茶器并茶詩

義材見器安所施六角靈犀用相副前後

都籃 一都統籠

茶經曰以悉設諸器而名之以竹篋內作三角方
眼外以雙篋濶者經之以單篋纖者縛之雙經作
方眼使玲瓏高一尺五寸底濶一尺高二寸長二
尺四寸濶二尺

本國以木造之謂之簞筥其內設版二片隨時或

抽之或插之以取其便白桐篋製之他家間以淡漆塗之
前篇曰旅簞簞是也

簞

茶經曰簞以篋為之圓徑四寸若合形合即字或
豐貯鹽花也其揭竹製長四寸一分濶九分

愚按

本國民間翁媼動加鹽飲茶山谷邊鄙之人亦然
札

茶經曰札緝楸櫨皮以茶萐木夾而縛之或截竹
束而管之若巨筆形

本國滌潔茶鼎及茶具用此器或人曰律僧每日
喫飯後滌鐵鉢之具亦類之

短檠

韓退之短檠歌曰長檠八尺空自長短檠二尺便

且光宗易嘗定其尺度以濃漆塗之或以淡漆

抹之其後他家有異其形且赤漆者又近世以竹

造燈臺呼之曰竹檠非也何者以檠字從木也只
謂竹燈臺則可也

地爐

此非風爐陷入床中者也茶集所謂墩爐圍爐是
也按古詩曰天地風霜日夜新地爐穩坐暖如春
筋骸已暢心無用轉愧窓間映雪人又曰地爐火
暖黃昏睡更有何人似我慵

按昔圍爐方一尺六寸其席以長六尺五寸為度

宗易宗吸宗及嘗定於一尺四寸其席亦長六尺
三寸至今為好爐緣栗木造之古今或以桑心柿
等為之其於堂傍茶房者用其質或別構茶亭限
四席半則必用漆製又以金銀粉飾之者適施院
閣堂上義則義矣然侈麗奢靡却妨風雅寓寄曰
有圍爐而飲茶形容之而謂圍爐也茶集曰圍爐
交膝以之可識圍字之義本非居室之謂後世借
用之以茶室謂圍非無謂也

香爐

本國古有以木造之者金銷銀鑲其內或施金銀銅鐵以貯火又有陶器或有銅鐵二爐共鑄鳥獸之形寓寄曰位置香爐之法當由風力起見如一室之中有南北二牖風從南來則宜位置于正南風從北入則宜位置于正北若風從東南或從西北則又當位置稍偏總以不離乎風者近是若反風所向風去香隨而我不沾其味矣皆以風為過

客而玩之陳說也今也塞風來路

香毬 俗名之云轉香爐

南邦之製也或人曰紅毛夷造之又漢南造之

本國昔有崎陽製今有洛陽制香毬又謂中香爐

一物二名也寓寄曰古玩中香爐一物其体極靜

其用又妙在極動是一日數遷其位片刻不容膠

柱者也蓋以中字命之者極靜極動之謂也

轉香爐不

用茶事

獨香爐

寓寄曰位置香爐是也無動靜者也

位置稍偏故謂獨香爐寓寄曰獨香爐一物勢有不能愛之無勞待人之法也蓋以為陶香爐金香爐銅鐵爐其品數多各位置稍偏者總謂獨香爐今也以木香爐謂火執香爐者以其用名爐也蓋獨字訓同故誤矣以獨字命之者亦位置稍偏之謂耳非取諸執火之義也

凡獨香爐今尚陶器其製世有遠近且品形多目

巧者能請其物

本國稱名物者五品各見下

本國之製亦品形多瀬戸唐津備前信樂等是也又云或以銀或以銅銀者侈麗而不足風雅銅者似胡銅等漢器世以尚之適鐵製有蘆屋天貓之古者多以獸形愈以珍焉又曰以桑梨桐栢為之間金銀銷鑠多畫草花其形如瓜或五樣六樣或七樣八樣其內或施銀銅貯灰存火今也謂火

取香爐其誤見前又云陶爐中有自印度來其物
藏侯家庶人不能輒見又曰高麗百濟呂宋亞媽
港臺灣等陶器有其形似香爐者則貯灰為爐如
此類非舊式只其人所好又曰近世間用樂燒好
尚之昔者不然然臨時設之者主人之巧也不可
槩而論焉或位于盆者其器可否最不容不能辨

名物香爐 五品

一不破香爐

一珠光香爐

一千鳥香爐

一禪香爐

一居香爐

右五品皆中華製蓋自宋朝來各青磁也少有遠
近耳義政公以降以為名物其中珠光香爐宗易
傳受之千鳥香爐名卿收藏之今不知其所在

名物花瓶 七品 俗云花生

一鎬魚

本國飾書曰青磁漢器也

一碁

青磁漢器也

一筒

青磁漢器也

一桃尻

鑄五樣紋胡銅漢器也

一鎚

無紋紫銅漢器也

一鶴一聲

無紋胡銅漢器也

以上是位置之瓶也必備曰春冬用

銅夏秋用磁

一釣船

南邦製或曰紅毛製合子金也

右七品最為名物

一坐露吏

無紋胡銅漢器也宗易名之

一管耳

無紋胡銅漢器也何人名之

一角木

一通能儀

無紋紫銅漢器也

手燈籠

手燈籠以輪開類掛壁上花筐也或曰漢器然未

見所據或人曰府中長製其品似漢器者也後世

以之稱手古於藝州巖嶋所造者亦與漢器同品

名物天目臺 七品 今呼輪花名或四花或五花皆於本國也

一若狹臺 長樣元首內朱外青漆

一印臺 識印業字 以ハ分字書之故形如蜈蚣俗謂蜈蚣臺者誤矣

一朱臺 內外全紅朱 執印臺製造之然不如印臺

一殷紅臺 內外同色無地紋右三品之次者也

一花紋臺 其地黑紅朱紋

一海貝臺 俗云青貝也以貝為花葉或紋其品

精義者也

一樺欄臺 或作花梨字 其制質也以熟銅為覆輪

右七品最為名物凡其濶五寸二分高不過一寸

一黑臺 俗云數臺是也一名謂尼崎臺其數

多故云數臺所謂黑臺者為七品外

也或曰以海貝臺為外以黑臺為充

七品數者蓋誤矣其覆輪皆真鍮也

其中五品失於本能寺亂云

交龍臺 堆朱制

或人曰和州南都至今藏之其濶五寸五分高二寸五分内外雕蛟龍比之七品高濶過於三五分故為七品外

名物天目 七品

一建盞 俗云建山 丁謂茶圖曰有如兔毫紋矣世人云

穎利是也茶錄亦云有如兔毫紋俗云芒目是也 穎利者極品建盞也芒目者次之

一曜變 點液如星故為之名

一灰被 一本灰蒙 液汁如灰覆故為之名

一黃盞 俗云黃天目是也以其色為之名

一油滴 其色滑而如滴油故為之名

一玳比 一名鱗甲盞或有杜若梅花等紋尚其形之大

一鳥盞 其色如鳥間點金液 一色如鳥無金液者次之

右七品為名物

又有謂熊皮蓋者烏蓋之類而有花鳥紋液色不
一又有謂馬上蓋者是亦烏蓋之類也但馬上所
飲者乎

名物香盒十品

- 一 張成
- 一 楊茂
- 一 周明
- 右上品也

一 張源

一 錢珍

一 呂甫

一 金甫

一 王圓

一 王賢

一 印堆

其中錢珍以下六品者於本館寺之
亂失之江州坂本失之不知孰是

右十品為名物張成最精所雕者深楊茂次之所

雕者淺周明又其次也而近世所尚者楊茂興周明也底面雕其姓名者愈以為佳且蓋面或有立布袋居布袋草敷觀音等像又有謂錢永者疑珍永一人二名也右外有謂存星者紅花綠葉之屬也

一謂存星者其制精義者

懸畫 俗云懸物

李氏云寓寄曰裱軸居家必備曰懸畫禪畫者始

於南北宋也茶集曰徐贍曰陸士生平山水之畫一幅古琴一張案上有墳典古詩之書若干卷按古懸畫耳至宋專懸禪畫禪畫者想僧徒之所畫平

本國舊式亦懸畫也至源義政公懸禪僧書簡畫贊等墨痕也宗易以來和俗文章劄紙等類亦揭之

帷裱 和語表具也

紙裱絹裱合錦之法及裱匠之事詳見寓寄又曰合一之法即其權在我授意于作書作畫之人裱匠則行其無事者也

按軸制有直軸撥軸塗軸渦軸寓寄曰軸者以梅木又以玉角也雖以漆塗之時而發其香故李氏以梅為雅近世尋常以檜柁桐杉為之佛氏像動以銅鐵張之或以漆入陳說新說只所好笠翁曰實貼皆在此也自裱絹左右通於其中一木者為

好不然則易搖動故笠翁亦云

輪裱背 俗云輪補也

以左右合錦之細謂輪幪裱之反對者也守士人法式者工匠拙也時措之宜為巧

裱補背 俗云佛裱具也

左右全幪裱而其中加合錦細絹者也然輪裱中絕無之也又按裱絹者飾寫真象者多用之茶人亦倣此

中條 俗曰一行物或單下物或一下物
笠翁制度第一曰巾條於

本國以二行三行者為豎物或二字三字豎者人
曰二三字物或橫者呼之亦同故數字字以下者云
一行物

斗方 俗云一枚物

李氏制度曰斗方

本國裱和文或割紙等類蓋新說也其制始中世

俗以和歌等呼一枚物以漢文呼小墨跡其餘俗
此

橫批 俗云橫物也

笠翁曰橫批

以上三者裱式精粗大小長短皆隨物應變者可
謂意匠稱先師式者拘泥以不通變者也

所裱物甚多金縷金紗綾羅錦繡綉絳皆以用之
紙裱亦陳說也

自在 和語也

或人曰本野人煮爨之具也取用為茶房器玩其上懸天井下至地爐活火沸騰則上之若湯火冷則下之可謂升降自由動靜自在者其雅宜哉其制用竹為幹懸下在鍵其竹以四尺七寸或八寸不過七節八節若天井高竹不足則以鎖助之其所釣木以菜萁木按以沫滿五土則不許用之然為宗師者不在此例也

鎖 或作鑲

少壯者許玩之其制古用赤小豆鎖中世用大鎖釣釜者以銅鐵造之其形有圓鉤木瓜鑊及不過此三者而以應于釜宜者也或間取南蠻鐵帶用之多兩面銀鑲之今用大鎖者始宗易又有以真鑄為之且由古及今施於堂上不容茶房蓋天上有一蛭鉤則爐中無鼎頭是乃其式也

宋蔡襄茶錄二篇雖曾刻之干當時而至明已失之為可惜耳幸予三十餘年前受得之於或人藏笥中數年矣常想此篇正是見中華之名實知我國之遺傳何可捨乎故今遂舉於斯云

茶錄序

朝奉郎右正言同修起居注臣蔡襄上進

臣前因奉事伏蒙

陛下諭臣先任福建轉運使日所進上品龍茶最為精好臣退念草木之微首辱陛下知鑒若處之得地則能盡其材昔陸羽茶經不第建安之品丁謂茶圖獨論採造之本至于烹試臣未有聞臣輒條數事簡而易明勒成二篇名曰茶錄伏惟

清閒之宴或賜

觀采臣不勝惶懼榮幸之至謹序

新刻茶錄

全

宋蔡襄 君謨 著

明胡文煥德父 校

上篇論茶

色

茶色貴白而餅茶多以珍膏油去聲其面故有青黃紫黑之異善別茶者正如相工之脈人氣色也隱然察之于內以肉理潤者為上既已未之黃白者

受水昏重青白者受水鮮明故建安人鬪試以青白勝黃白

愚按以珍膏者在餅茶如團茶不用之油其面珍膏者果膏也只以懼外風與濕氣也青黃紫黑之異者油其面以藏後出之見之其色或青或黃或紫或黑然

本國無此說善別茶者察茗芽直知味之厚薄正如相工之脈人氣色也肉理潤者味最厚為

正黃、白者，真味損肉，亦不潤，受水其色昏重也。青、白者，香味如初，而其色不損，受水鮮明也。故建安諸山人關之試之，時盞中以青、白勝黃、白。本國由古諸山商賈負壺集鬼途為市，關之試之，今尚然，以青、白鮮明為勝。又曰：於本國分濃茶、稀茶二者，其制作有精、粗故也。彼國以謂青、白者，味至而濃，故自為濃茶；黃、白者，味粗，故自為稀茶。本無二者之別，然

本國嗜濃，則賓主互厚其禮，備其具，異其飾也。嗜稀，則殺其禮，略其備，於斯二者等最明也。鬼途人曰：抹茶制作之間，呼濃茶曰白，呼稀茶曰青。收藏之後，呼濃茶曰袋茶，呼稀茶曰詰茶矣。濃茶曰一袋者，其重二十錢；曰半袋者，半此曰小半袋者，四分之也。又曰：詰茶一者，亦其重二十錢也，以十倍其二十錢謂一斤。

香

茶有真香而入貢者微以龍腦和膏欲助其香建安
安民間試茶皆不入香恐奪其真若烹點之際又
雜珍果香草其奪益甚正當不用

按茶經司馬相如烹煎或加桔梗款冬貝母芍
藥白薇白芷菖蒲茱萸等如建安真茶不用此
恐奪其真蔡君謨之說宜哉

本國之陳說用大蒜塗壺中其法受茶二升者
蒜一兩受一升者半兩塗之燥之藏茶大禦濕

潤然近來不聞此制予試以蒜一分入碾茶中
三日而開其鼎察之則茶色不變其香不減也
今按茶經無加大蒜之說入貢者以龍腦和膏
欲助其香想入貢者重之耶今

本國以甌蒸之焙籠藏之皆唐陸羽與宋蔡襄
之遺言而中世以來兔途小倉土人能知之其
制至精諸山湯制者皆其味淡薄也兔途小倉

去兔途西北
外諸山者槇嶋
去兔途北
十町餘
大久保

去_二兔_一途_二西_一平川_三去_二兔_一途_二西_一佐古_三去_二兔_一途_二西_一三
廿六町餘 田井_三去_二兔_一途_二西_一四_三白川_三去_二兔_一途_二西_一北_三十
山_三去_二兔_一途_二西_一三_三大鳳寺_三去_二兔_一途_二東_一木幡_三去_二兔_一途_二東_一
八町 三室_三去_二兔_一途_二東_一十_三八町餘 之邑各湯制出之_三右十邑之外宇治
途_二東北_一三_三十町餘 依信樂_三二邑皆出_二青茶_一尤粗者也

味

茶味主于甘滑惟北苑鳳凰山連屬諸焙所產者
味佳隔溪諸山雖及_レ時加_レ意製作色味皆重莫能

及也又水泉不_レ甘能損茶味前世之論水品者以
此

按茶味元苦淡者也而茶君謨曰甘滑者不苦
不澁無苑中惡臭有飲中好氣其真味和_二口舌_一
而甘滑之謂也按茶經雖品彙多北苑之餅焙
鳳凰山之鳳焙已極真也故曰隔溪諸山雖及
時加_レ意製作色味皆重矣
本國兔途茶猶北苑鳳凰味至佳出於諸山無

及兔途者水泉不甘能損茶味此說至今同前
世論水品者陸鴻漸二十一水歐陽修七等之
類也

本國以謂初昔後昔三月朔二日採之謂之初
昔三日四日採之謂之後昔也然家家不必拘
上日數三月中始取謂之初後取謂之後耳古
有雷鳴茶之說正當不用也

藏茶

茶宜弱葉而畏香藥喜溫燥而忌濕冷故收藏之
家以弱葉封裹入焙中兩三日一次用火常如人
體溫溫則禦濕潤若火多則茶焦不可食

按弱葉禦濕故以此封裹茶譜曰弱小生食之
長生織之茶具圖贊韋鴻臚皆以弱葉為焙籠
去火尺許有棚是也畏香藥之說始乎君謨司
馬相如以八藥藏之如建安真茶自古不用藥
蔡君亦復由之弱葉焙籠之說

本國無之初入焙中三日者同制既藏之而後
必以火入焙一日二日者五月初或七月初之
事也凡入焙藏之日忌雨疾風晴天焙之不
宜夜陰壺位高閣去地遠則冷能養之又風雨
與夜陰不開壺旋碾之時最避雨屏風不然則
損色失香必不容不謹

炙茶

茶或經年則茶色味皆陳於淨器中以沸湯漬之

則去膏油一兩重乃止以鈴銚之微火炙乾然後
碎碾若當年新茶不用此說銚其麤切音鉗

按茶經年則色味皆陳之說謂餅茶也於淨器
中以沸湯漬取之則去膏油其漬一兩重乃止
以鈴銚之以微火炙乾後點之則隨其多少
碎點若當年新茶則不用此其言最然如建安
自古無此制或在黑盞中熟面青白之說皆謂
極末細散濃茶蓋唐陸鴻漸宋蔡君謨之言也

然則當時嗜龍團餅茶者間多故蔡君於斯論
之又曰團餅與末散烹煎與筦點文理混難分
別委曲察之而後可辨其等耳
本國之茶專謂碾茶耳由古無餅團之說況於
膏油鈴筴乎彼國者不然別制多品隨其所嗜
或歌之或賦之不可殫論也

碾茶

碾茶先以淨紙密裹槌碎然後熟碾其大要旋碾

則色白或經宿則色已昏矣

按碾茶以淨紙密裹以槌碎之說不必通言或
雀舌鷹爪者不及槌碎有骨有莖或於甌中合
肉堅實者難碾如此者槌碎碾之也又曰以二
三芽旋碾則色青白至精微而其味神也盛
孔則粗經宿則昏重也

羅茶

羅細則茶浮麤則水浮

按羅茶者以羅篩之故愈精茶浮也羅者以蜀
絹為上如

本國旋碾精者不及用羅然間苦茗芽落於磨
中故供大人者用此如民間手旋碾者不用亦
可也茶浮水浮之說論羅絹精粗耳

候湯

候湯最難未熟則沫浮過熟則茶沈前世謂之蟹
眼者過熟湯也沈瓶中煮之不可辨故曰候湯最

難

按是謂煮茶法然暗合點茶世人曰一沸二沸
崖波三沸熟湯以熟點茶也此說最合正文點
茶法老湯則盞中湯浮沈茶於彌中欲使終日
不熟湯者當頻頻添炭助活火火衰則必過熟
也瓶中煮之不可辨蓋煮茶時雖瓶中沸聲未
絕其芳沸沈於瓶底自外不可辨之也故煎茶
點茶俱候湯最難

燂字彙燂虛業切音脅火迫也

元欲點茶先須燂燂盞令熱冷則茶不浮

按燂燂盞以沸湯令熱其中也或盞大厚者燂

迫一兩重則中自熱而茶色味香最神也

本國謂之投筴其言雖異其意同冷則茶不

之言最然人人能知之

點茶

世人謂立茶大觀茶論曰拂擊無力茶不發立是也

茶少湯多則雲脚散湯少茶多則粥面聚

建安謂雲脚散

面

鈔茶一錢匙鈔取也先注湯調令極勻又添注八

環迫擊沸湯上盞可四分則止抵其面色鮮白著

盞無水痕為絕佳建安闔試以水痕先者為負耐

久者為勝故較勝負之說曰相去一水兩水

按茶少湯多則雲脚散點茶之時盞中茶少湯

多則散也雲脚者茶與湯相合如雲垂脚者湯

多則無之湯少茶多則粥面聚湯與茶相合則

粥面聚於盞中也免途人必以曰合柄抄者量

永其合稱茶一錢匙合也以是點之則茶與湯
合勻注湯調令極勻者四時共如此初寒節最
為好又添注八環添注以筴八次環之迫擊沸
湯則粥面上蓋四分而止也其蓋中面色抵之
鮮白著茶蓋而無水痕者以是為絕佳建安人
闢試以水痕有無所謂水痕先者為負水痕耐
久為勝故較勝負之說曰相去一水兩水矣

茶焙

茶焙編竹為之裏以弱葉蓋其上以收火也隔其
中以有容也納火其下去茶尺許常溫溫然所以
養茶色香味也

按茶焙者焙籠也編竹為之其上全封裏以弱
葉也蓋其上即封裏之謂也蓋為收火也隔其
中以有容焙籠中有棚納火其下去茶一尺許
常不絕其火溫溫然則能養之不損茶色香味
也初其火炎上時不容茶後溫溫而容茶常貯

藏之所載茶圖章鴻臚建城之類皆是也

本國不用此制新焙茶之間兩三日以柞炭埋
灰中焙之顛倒茶凡一時二十度晝夜同之次
日火勢溫溫顛倒一時五六度又次日慢火如
人肌溫溫而且猶顛倒之以紙被蓋茶上令其
香氣不漏既而出晒之紙上把木鋤以手之乾
而後當晴天藏之壺中常禦濕潤故置之高閣
爾後五月七月暑溫時再出之焙一日其火亦

猶人肌溫溫顛倒略如初然畢復令位高閣而
受涼風矣

茶籠

茶不入焙者宜密封裏以弱籠盛之置高處不見
濕氣

按茶不入焙者言一焙畢不復入焙籠火上者
置高處不見濕氣之說詳於上焙後
本國亦然然以弱籠者未見之

砧椎 星鏡群玉並擣衣石也擣繒石之類

砧椎蓋以砧茶以木為之椎或金或鐵取于便用

按碎茶之重葉骨莖之具也

本國自古及今不見之只封裹于淨紙碎而止

茶鈴 彙其應切音緝鉄鈴鋤也星鏡寒乾二音

茶鈴屈金鉄為之用以炙茶

按餅茶漬沸湯後以微火炙之具也於建安不

見此說蔡君間用之也乎

本國亦不聞之

茶碾 彙與輾同群玉海篇音輾磨也

茶碾以銀或鐵為之黃金性柔銅及礪石皆能生

銚 銚音星 不入用

按茶碾者磨也宜於銀鐵也黃金性柔銅與礪

石皆生銚故不入用也今考之礪石似玉石也

蔡君所好者銀鐵也

本國所用者銀垂石也然五月六月之間見其

磨中則有水氣猶蔡君所謂銚也故臨時炙之

按字書

音羊諸切

石石次玉者銀垂石之類也

於宇治造之其石出於朝日山

茶羅

茶羅以絕細為佳羅底用蜀東川鵝溪畫絹之密者投湯中揉洗以暴之

按茶羅茶具圖贊曰羅樞密是也其說見前

茶盞

茶色白宜黑盞建安所造者紺黑紋如兔毫其坯微厚燒之久熱難冷最為要用出他處者或薄或色紫皆不及也其青白盞閩家自不用

按茶色白宜黑盞矣此說見前建安閩試專用

之鴻漸常以建盞嗜茶建安所造之盞紺黑紋

如兔毫者是也今俗呼此紋曰芒目其中紋明

曰穎利皆液汁之別也建安外出他處者其形

品薄或其色白皆不及建安閩試家不用青白

盞者盞中之茶色不宜也

茶匙

茶匙要重擊拂有力黃金為上人間以銀鐵為之竹者輕建茶不取

按茶匙者有黃金有銀有鐵有玉有角有桑有梨有柳有竹也各見前擊拂有力之言欲令黃金為之也蔡君蓋為供君乎人間以銀鉄為之所謂竹者輕建茶不取之言蓋謂庶人之用金

銀匙義則義矣然不足風雅故

本國專以竹造之

湯瓶

瓶要小者易候湯又點茶注湯有準黃金為上人間以銀鐵或瓷石為之

按瓶要小者以其輕而沸湯易候也點茶注湯者不用分盈直由湯瓶注湯為自有準也於本國家家有之黃金為上者天子之事以銀者

公卿之事鐵或以客石者民間之事以銅者上
下之常茶瓶湯瓶見前

茶錄後序

臣 皇祐中修

起居注奏事

仁宗皇帝屢承

天問以建安貢茶并所以試茶之狀臣 謂論茶雖
禁中語無事于密造茶錄二篇上進後知福州

掌書記竊去藏稿不復能記知懷安縣樊紀贖得
之遂以刊勒於好事者然多年謬 臣 追念
先帝顧遇之恩攬本流涕輒加正定書之石以永
其傳

治平元年五月二十六日三司使給事中

臣 蔡襄謹記

後序 畢

不依藥病

所輯宋子安新刻東溪試茶錄曰

採茶

辨茶須知
製造之始

建溪茶比他郡最先北苑壑源者尤早歲多暖則
先驚蟄十日即芽歲多寒則後驚蟄五日始發先
芽者氣味俱不佳唯過驚蟄者最為第一民間常
以驚蟄為候諸焙後北苑者半月去遠則益晚凡
採茶必以晨興不以日出日出露晞為陽所薄則
使芽之膏腴泣耗于內茶及受水而不鮮明故電

以早為最凡斷芽必以甲不以指以甲則速斷不
柔以指則多溫易損擇之必精濯之必潔蒸之必
香火之必良一失其度俱為茶病民間常以春陰
為擇茶得時日

出而採則芽葉易損建
人謂之採摘不鮮是也

茶病

試茶辨味必須知
茶之病故又次之

芽擇肥乳則其香而粥面着盞而不散土瘠而芽
短雲脚渙亂去盞而易散葉梗半則受水鮮白葉
梗短而色黃而泛梗謂芽之身除去白合處茶
民以茶之色味俱在梗中烏

蒂白合茶之大病不去鳥蒂則色黃黑而惡不去

白合則味苦澁丁謂之論備矣蒸芽必熟去膏必盡蒸芽

未熟則草木氣存適口去膏未盡則色濁而味重

受煙則香棄壓黃則味失此皆茶之病也受煙謂過黃時

火中有煙使茶香盡而烟臭不
去也壓去膏氣如雞卵臭也

茶經一之源

唐陸鴻漸茶經曰茶者南方之嘉木也一尺二尺

迺至數十尺其巴山峽川有兩人合抱者伐而掇

之其樹如瓜蘆葉如梔子花如白薔薇實如枏櫚

葉如丁香根如胡桃

瓜蘆木出廣州似茶至苦澁枏櫚蒲葵之屬其

子似茶胡桃與茶根皆下孕兆至尾磔

其字或從草或從木或從木并

從草當作茶其字出開元文字者義從木當作

茶其字出本草草木并作茶其字出爾雅

其名一曰茶二曰檟三曰設四曰茗五曰荈

周公曰檟苦茶揚執戟曰蜀西南人謂茶曰設郭

弘農曰早取為茶晚取為茗或一曰荈耳

其地上者生爛石中者生櫟壤櫟字當從石為櫟下者生

黃土凡藝而不實植而罕茂法如種瓜三歲可採

野者上園者次陽崖陰林紫者上綠者次筍者上

芽者次葉卷上葉舒次陰山坡谷者不堪採掇茶

之為用味至寒為飲最宜精茗熱渴凝悶腦疼目

澁四肢煩百節不舒聊四五啜醍醐耳露也採不

時造不精雜以草莽飲之成疾也亦猶人參上者

生上黨中者生百濟新羅下者生高麗在澤州易

州幽州檀州者為藥無効

茶經二之具

此一節大槩見前

茶經三之造

鴻漸曰凡採茶在二月三月四月之間茶之筍者

生爛石沃土長四寸若薇蕨始抽凌露採焉有三
枝四枝五枝者選其中枝頽拔者採焉有雨不採
晴有雲不採晴採之蒸之焙之穿之封之茶之乾
矣茶有千萬狀

茶經四之器

風爐 見前

筥 同

炭槌 同

火筴 同

鍤 同

交床 支鍤是也一節見前

夾 以小青竹為之長一尺二寸令一寸有節節
已上剖之以炙茶也彼竹之篠津潤於火假其香
潔以益茶味恐非林谷間莫之致或用精鐵熟銅
之類取其久也

紙囊 以藤紙白厚者夾縫之所以貯炙茶使不

池其香也

礮

見前

羅合

同

則

同

水方

同

漉水

同

醴簋

同

熟盂

同

盃

同

畚盛土器也省之

札

見前

滌方

同

滓方

同

巾

同

具列

同

都籃

同

茶經五之煮

烹煎資之

水論

大槩見前篇又曰一沸緣邊如湧泉連珠為二沸騰波鼓浪為三沸已上水老不可食也一水曰其味苦而不耳檣也耳而不苦薺也啜苦咽耳茶也

古人有勞薪之味信哉其水山水上江水中井水下也豈可不辨哉

神農食經曰茶茗久服人有力悅志

周公爾雅曰檣苦茶

廣雅曰荆巴間採葉葉老者作餅

楊雄方言曰蜀西南人謂茶曰設

括地圖曰臨遂縣東一百四十里有茶溪

山謙之吳興記烏程縣西二十里有溫山出御薺

永嘉圖經曰永嘉縣東三百里有白茶山

淮陰圖經曰山陽縣南二十里有茶坡

本草木部茗苦茶味耳微寒無毒利小便去痰渴
熱令人少睡秋採之若春採之耳

菜部茗茶一名茶一名選一名游冬生益州川谷
山陵道傍凌冬不死三月三日採乾是今茶

詩

六羨歌

唐陸羽

不羨黃金壘不羨白玉盃不羨朝入省不羨暮入

臺千羨萬羨西江水流向竟陵城下來

孟諫議寄新茶

盧仝

日高丈五睡正濃軍將扣門驚周公口傳諫議送
書信白綰斜封三道印開緘宛見諫議面首閱月
團三百片聞道新年入山裡蟄蟲驚動春風起天
子須臾陽羨茶百草不敢先開花仁風暗結珠蓓
蕾先春抽出黃金芽摘鮮焙芳旋封裹至精至好
且不奢至尊之餘合王公何事便到山人家柴門

反關無俗客，紗帽籠頭自煎吃。碧雲引風吹不斷，
白花浮光凝碗面。一碗喉吻潤，二碗破孤悶。三碗
探枯腸，惟有文字五千卷。四碗發輕汗，平生不平事
盡向毛孔散。五碗肌骨清，六碗通仙靈。七碗吃
不得也，唯覺兩腋習習清風生。蓬萊山在何處，玉
川子乘此清風欲歸去。山上群仙司下土，地位清
高隔風雨。安知百萬億蒼生，命墜巖崖受辛苦。便
從諫議問蒼生，到頭合得蘇息否。

送陸羽採茶

皇甫曾

千峰待逋客，香茗復叢生。採摘知深處，烟霞羨獨
行。幽期山寺遠，野飯石泉清。寂寂燃燈夜，相思磬
一聲。

茶鼎

同

龍舒有良匠，鑄此佳樣成。立作菌蠢勢，煎為潄漱
聲。草堂暮雲陰，松窓殘雪明。此時勺復茗，野語知
逾清。

茶甌

同

邢客與越人皆能造茲器圓似月魂墮輕如雲魄
起棗花勢旋眼蘋沫香沾齒松下時一看支公亦
如此

茶籬

陸龜蒙

金刀劈翠筠織似波文斜製作自野老携持伴山
娃昨日鬪烟粒今朝貯綠華爭歌調笑曲日暮方
還家

茶舍

同

旋取山上材架為山下屋門因水勢斜壁任巖隈
曲朝隨鳥俱散暮與雲同宿不憚採掇勞祇憂官
未足

茶鼎

同

新泉氣味良古鐵形狀醜耶堪風雪夜更值煙霞
友曾過潁石下又住清溪口
潁石清溪皆江南出茶處且共薦

皇廬名何勞傾斗酒

茶人

同

天賦識靈草，自然鍾野姿。閑來北山下，似與東風期。雨後探芳去，雲間幽路危。唯應報春鳥，得共斯人知。

茶甌

同

昔人謝壺垞，徒為妍詞飾。謝壺垞皆器也豈如珪璧姿，又有煙嵐色。光參筠席上，韻雅金壘側。直便于闌，君從來未嘗識。

煮茶

同

閑來松間坐，看煮松上雲。時於浪花裏，併下藍英末。傾餘精爽健，忽似氛埃滅。不合別觀書，但宜窺玉札。

睡後茶

白樂天

婆娑綠陰樹，斑駁青苔地。此處置繩牀，旁邊洗茶器。白甌既甚潔，紅爐炭方熾。未下麴塵香，花浮魚眼沸。盛來有佳色，嚙罷餘芳氣。不見揚蓁巢，誰人

知此味

送陸羽棲霞寺採茶皇甫冉

採茶非採菜遠上層崖布葉春風暖盈筐白日
斜舊知山寺路時宿野人家借問王孫草何如浮
挽花

茶人

皮日休

生於顧渚山老在漫石塢語氣是茶薺衣香是烟
霧庭從懶子遮果任孺師虜日晚相笑歸腰間佩

輕篋

茶壠

宋蔡襄

造化曾無私亦有意所加夜雨作春力朝雲護日
車千萬碧玉枝戢戢抽靈芽

採茶

同

春衫逐紅旗散入青林下陰崖喜先至新苗漸盈
把競携筠籠歸更帶山雲瀉

試茶

同

兔毫紫甌新，蟹眼清泉煮。雪凍作成花，雲閑未垂縷。願爾池中波，去作人間雨。

烹茶

梅堯臣

都籃携具向都堂，碾破雲團北焙香。湯嫩水輕花不散，口甘神爽味偏長。莫誇李白仙人掌，且作盧仝走筆章。亦欲清風生兩腋，從教吹去月輪傍。

寄新茶

同

貢時天上雙龍去，闕處人間一水爭。分得餘甘慰

焦悴，碾嘗終夜骨毛清。

茶巖

同

岩下纔經昨夜雷，風爐瓦鼎一時來。便將槐火煎岩溜，聽作松風萬壑迴。

茶苑

黃裳

莫道雨前非北苑，須知山脉是東溪。旋燒石鼎供吟嘯，空照岩中日未西。

又

同

想見春來喊動山雨前收得幾籃還斧斤不落幽人
手且喜家園禁已開

乞茶

同

未終七椀似盧仝解誇駸駸兩腋風北苑搶旗應
滿篋可能為惠向詩翁

送龍茶與許道士

歐陽永叔

潁陽道士青霞客來似浮雲去無蹟夜朝北斗太
清壇不道姓名又不識我有龍團古蒼壁九龍泉

深一百尺憑君汲井試烹之不是人間香味色

雙井茶

同

西江水清江石老石上生茶如鳳爪窮臘不寒春
氣早雙井芽生先百草白毛囊以紅碧紗十斤茶
養一兩芽長安富貴五侯家一啜猶須三日誇寶
雲日注非不精爭新棄舊世人情豈知君子有常
德至寶不隨時變易君不見建溪龍鳳團不改舊
時香味色

種茶

蘇子瞻

松間旅生茶已與松俱瘦
茨棘尚未容蒙翳爭交
構天公所遺弃百歲仍
擗幼紫筍雖不長孤根乃
獨壽移栽白鶴嶺土軟春
雨後彌旬得連陰似許
晚遂茂能忘流轉苦戢戢
出鳥味未任供臼磨且
可資摘嗅千團輸大官百
餅銜私闕何如此一啜
有味出吾圃

送南屏謙師

同

道人曉出南屏山來試點茶
三昧手忽驚午盞兔毛班
打作春甕鵝兒酒天台乳
花世不見玉川風脈今安
有先生有意續茶經會使
老謙名不朽

過陸羽茶井

王元之

甕石苔封百尺深試今甞
味少知音惟餘半夜泉
中月留取先生一片心

試茶詩

林和靖

白雲峯下兩槍新膩綠長
鮮嫩雨春靜試恰如湖

上雪對嘗魚憶剡中人

詠茶

丁謂

建水正寒清茶民已夙興萌芽先社雨採掇帶春
冰碾細香塵起烹新玉乳凝煩襟時一啜寧美酒
如澠

雙井茶送蘓子瞻

黃山谷

想見東坡舊居士揮毫百斛瀉明珠我家江南摘
雲腴落磴霏霏雪不如

黃冕仲索煎雙井

同

家山鷹爪是小草敢與好賜雲龍同不嫌水厄幸
來辱寒泉湯鼎聽松風

許覺之惠椰子茶孟同

碩果不食寒林梢剖而置之如懸匏故人相見各
貪病且可烹茶當酒肴

煎茶

羅大經

松風檜雨到來初急引銅瓶離竹爐待得聲聞俱

寂後一甌春雪勝醍醐

武夷茶

趙君樸

和氣滿六合靈芽生武夷人間渾未覺天上已

武夷茶

白玉蟾

仙掌峰前仙子家家來活火煮新茶主人遙指青
烟裏瀑布懸崖剪雪花

武夷茶

劉說道

靈芽得先春龍焙收奇芬進入蓬萊宮翠甌生白
雲坡詩咏粟粒猶記少時聞

武夷茶竈

同

仙翁遺石竈宛在水中央飲罷方舟去茶烟裊細
香

雲谷茶坂

同

携蘿北嶺西來擷供茗飲一啜夜窓寒跣趺謝衾
枕

建守送小春茶

王十朋

建安分送建溪春驚起松堂午夢人盧老書中亦
見面范公碾畔忽飛塵十篇北苑詩無敵兩腋清
風思有神日鑄卧龍非不義賢如張禹想非真坡詩
云張禹縱賢非
骨鯁謂草茶

武夷茶

元陳夢庚

儘誇六碗便通靈得似仙山石乳清此水此茶須
此竈無人肯說與端明

御茶園

鄭主忠

御園此日焙新芳石乳何年已就荒應是山靈知
獻納不將口體媚君王

貢茶

藍靜之

河官暫託貢茶臣行李山中生數旬萬指入雲頻
采綠千峰過雨自生春封題上品頒天府收拾餘
芳寄野人老我空腸無一字清風兩腋願輕身

武夷茶

林錫翁

百草逢春未敢花御茶苦雷拾瓊芽武夷直是神仙境已產靈芝更產茶

試武夷茶

杜本

一徑入烟霞青葱渺四涯卧虹橋百尺寧羨玉川家

寄茶

明文徵明

小印輕囊遠寄遺故人珍重手新題暖含烟雨開封潤翠展旗鎗出焙齊片月分明逢諫議春風徭

佛在荆溪松根自汲山泉煮一洗詩腸萬斛泥

試茶

徐曠

高枕殘書小石床偶來新味競芬芳盈盈七椀渾間事直入窮探最苦腸竹爐蟹眼薦新甞愈苦從教愈有香我亦有香還有苦儘令湯火更何妨

御茶園采茶詞

同

萬壑輕雷乍發聲山中風景近清明筠籠竹筥相

携去亂採雲芽趁雨晴

貢茶

同

雨前初出半巖香十萬人家未敢嘗一自尚公臣
進貢年年先納縣官堂

茶洞

謝肇淛

草屋編茅竹結亭薰床瓦鼎黑磁瓶山中一夜清
明雨收却先春一片青

寫酒德之頌以俟他日陳仲濤

柴桑托於酒臨酌忽忘天而我亦如是玄心照
泉

茶品在塵外何須人出塵茫茫塵眼醉誰是
人

團餅乳花巧卷芽雲氣深將芽來作餅隱士
簪

賓來手自潑入口羨孤絕自是韻相同非關精
法

好友蘭言密ニ奇書玄義折ツ此意不能傳ケ茶既ニ吞ミ以テ

酒韻美如蘭茶神清如竹花外有真香終ニ推ス此君ヲ

酒德泛然ト親茶風必擇友所以湯社事ヲ馮經我輩ノ

手ヲ露下水雲清疎林如ニ墮髮試茗石泉邊一甌ニ蘸ス秋ノ

白石含雲潤丹砂出テ火凝ル今時無石鼎托レ客ニ覓ル宜シ

興ニ雪是穀之精却テ與茶同ス調洗ハ鮮花片來茶色欣然ト

笑泉山憶雪遙得テ雪茶神足無レ雪使茶孤ニ不レ孤ニ賴ル有リ

所ニ世氛損靈骨何物カ仗延年ヲ吾是烟霞癖君稱ス草水ヲ

泉鳴細雨來，風靜孤烟直。遙看林氣青，知有卧雲客。

春林過雨淨，春鳥帶雲來。夢餘茶火熟，一酌山花開。

和漢茶話卷三畢大尾

跋南川氏茶話

周公作易象及酒卦，再四尤致意於未濟之上九，曰有孚于飲酒，无咎，濡其首，有孚失是。孔子曰：飲酒濡首，不知節也。故聖人之設教，不欲外乎人情而

之使人即元起居飲食日用之
間以求一是而已矣唯人情不
能無好尚好尚之專天下成風
如唐陸羽之於茶是也羽送民
也宜其超然事物之外而顧自
區於是乃其撰茶經云茶之

尔之法之具惟恐天下後世不
好之及其不為一孝卿所禮愧
之著論毀茶惟恐天下後世好
之噫羽之志可不哀邪夫茶雖
至微可行也而羽獨以其所愧
而碎名不朽則使羽復出無如

之河，吾又於此也。嘆之矣。然此
之後，詩流騷華，皆嗜茶而不飲
之。推此之事，以廣之，且為至
宋而極矣。獨叢林清規，有茶禮
行之最久。此乃為此之事。若蒼
巖、獨山林，與禪人往來，別立會

約。安溪玄率自將，間淡白甘陶
情。養性澄思，慮然而野服。其
由，此之故也。彼者，有終身樂之
而不飲乎？其若，是而傳焉耳。
其乃因茶思畫，思以藝梅壘
思，欲得乎？不而得致乎？不而致

而一玩之奇主以衡實、以媚
主一送之當至以耳視目食較
之濡首之義同一歸於失是亦
不知節也谷南川氏以學拘自
名者三十年矣今也老矣乃著
茶話三卷綜舉茶事考證頗博

將以傳諸後求諸君子之文又
請余題其末余復以告哉意以
其與余仕同其始同其終不
獲辭且避也遂書以塞其請
享保丁未八月

屈止脩身之撰



堀川通六郎主計

享保戊申春正月新鐫

書林

中川藤四郎

同茂兵衛

一、唐李和書石經御經其外一切書物之類
至極念入心味之上諸分並既和勸下書之
義上之乃法用字希心在下追在書之
多少不如此之並既實安中清之是又
作之於後傳年願上以上

文化十五戊寅年三月補刻

大阪書林

秋田屋太右衛門

心齋橋筋うしろ町

